

DISSERTATIO INAVGVRALIS
DE
I V R E
EXPELLENDI COLONVM
OB SVPERVENIENTEM
NECESSITATEM

QVAM
ILLVSTRIS ORDINIS IVRECONSULTORVM
AVCTORITATE
SVB PRAESIDIO
DN. GODOFREDI LVDOVICI
MENCKEN, ICTI

SERENISS. DVC. BRVNOVIC. ET LVNEBVRG. A CONSILIIIS
AVLICIS PROF. IVR. ORD. ET FACVLT. IVRID.

ADSESSORIS

EIVSDEMQUE H. T. DECANI


PRO GRADV DOCTORIS
SVMMISQUE IN VTROQUE IVRE HONORIBVS
RITE CAPESSENDIS

DIE XIV. IVN. CIDIJGCLI
HORIS ANTE ET POMERIDIANIS
IN IVLEO MAIORI
PVBLICE DEFENDET

AVCTOR
IGNATIVS HIERONYMVS VARNESEVS

PADERB. WESTPH.

HELMSTADII
LITERIS PAVLI DIETERICI SCHNORRII
ACAD. TYPOGR.



DE
IVRE EXPELLENDI COLONVM
OB SUPERVENIENTEM
NECESSITATEM.

§. I.



acta seruanda esse ipsa docet iuris ^{*Paſſa*}
naturalis aequitas. Enimuero ^{*sunt ſer-*}
cum aliquid promittimus, men- ^{*uanda*}
te nostra id imprimis quaerimus,
vt alter fidem noſtram ſequatur;
quapropter etiam promiſſis pac-
tisque omnibus deliberato animo
initis ſtandum eſt, et vt CICERO ait: a) *tanto perſidio-
ſius eſt, magisque nefarium fidem frangere, quae vitam*
A *con-*

continet: quum enim amor iustitiae a nobis efflagitet, ut id, quod nobis fieri nolumus, nec alteri faciamus; clare sequitur, neminem propter fidem nostram defraudari debere, adeoque pacta a nobis inita seruanda esse. Quae etiam causa olim Praetores mouisse videtur, ut edicto suo promulgarint: se ea pacta, quae neque dolo malo, neque aduersus Leges, Plebiscita, Senatus Consulta, Edicta Principum, neque quo fraus cui eorum fiat, facta erunt, seruare velle. *b)* Quamuis autem Icti Romani pacta inter nuda et non nuda discrimen statuerint; iure naturali tamen nullaprehenditur differentia, dum vtrumque negotium vtriusque pacifcentium consensu substantiam capit. Imo cum hodie iuris germanici principia in hac materia recepta sint, secundum quae ex omni conuentione deliberata ac seria efficax actio et obligatio datur, *c)* inter pacta quo ad modum obligandi nullum superest discrimen, quia ex omni pacto haec obligatio ciuilis oritur, quae proinde omnes distinctiones, quas Romani excogitarunt, excludit: ceterum cum meri tractatus sine intentione se obligandi incantur, atque conuentionis seu pacti indolem non habeant, facile patet nec naturali iure neque germaniae moribus obligandi vim inesse, nullamque actionem promanare.

a) in

a) in oratione pro Q. Roscio. Cap. 6.

b) L. 7. §. 7. ff. de pactis.

c) STRYK. V. f. Mod. tit. de pactis.

§. II.

Quae igitur iuris regula: pacta scilicet esse seruanda, cum etiam ratione contractuum locum habeat, merito ad locationem applicanda est. Hinc orta est obligatio locatoris, quae in eo consistit, ut ad id obstrictus sit, quod expresse inter contrahentes conuentum est. a) Quod si vero nulla specialis conuentio determinauerit, ad quid locator obligatus esse debeat, utuntur enim homines in contrahendo non raro generalibus verbis, partes praesumuntur illud voluisse, quod naturaliter contractui lege inest, hinc certissimum sequitur, locatorem obstringi, ut praestet colono re locata frui licere; b) obligatus est porro ad rem cum instrumentis et accessoriis, sine quibus usus ex re locata commodè percipi nequit, tradendam; c) adstrictus est denique ad tradendam rem habilem non vitiosam d) atque id circo omnia quoque remouere debet, quae percipiendis fructibus rei locatae impedimento sunt. Inde sequitur, quod aedibus locatis, vicinoque lumina obscurante, discedendi a

*Locatoris
officium in
quo con-
sistat?*

contractu potestas conductori detur, nisi locator lumina redintegret. Plura qui vult de obligatione locatoris, adeat inter reliquas dissertationem *de iure colonario Thes. XI* G. A. STRUVII. Inprimis autem ex natura huius contractus fluit, locatorem ante tempus finitum conductorem inuitum eo minus expellere posse, e) quo magis hic nec ante tempus finitum rem locatam sine iusta causa deferere, f) alias totum locarium soluere debet. g)

a) §. penult. I. de locat. cond. L. 21. ff. loc. cond. L. 11. §. 1. ff. de act. empt. vend.

b) L. 9 pr. L. 15. L. 33. ff. locat. cond.

c) L. 19. §. 2. ff. eod.

d) L. 15. §. 2. L. 25. §. 2. ff. eod.

e) DINCKLER *dissert. de mod. dissol. cont. locat. cond. rer.* §. 31.

f) Colleg. Argent. tit. locat. Thes. 15. et 21.

FRANZK. ad ff. cod. tit. n. 211. seq.

g) L. 24. §. 2. ff. locat. L. 35. §. ult. eod.

§. III.

Ob superuenientem necessitatem locat. conductio rescindi potest.

Contra haec locatoris officia quaedam tamen admittuntur exceptiones, a) quibus autem omnibus recensendis non immoramur, cum instituti nostri ratio id non patiatur. Inter illos haec primum sibi vindicat

dicat locum, quam *L. 3. Cod. de locat. cond.* exhibet; Vi cuius locatori ob superuenientem necessitatem conductorem expellendi facultas permessa est. Ita *l. c. ANTONINVS b)* ad preces Callimorphoniae *c)* rescripsit, *aede, quam te conductam habere dicis, si pensionem domino in solidum soluisti, intuitam te expelli non oportet, NISI PROPRIIS VSIBVS DOMINVS EAM NECESSARIAM ESSE PROBAVERIT, CORRIGERE DOMVM MALVERIT, AVT TV MALE IN RE LOCATA VERSATVS ES.* Respexit Imperator ad talem necessitatem, quae reuocationem contractus permittit, propria enim commoda alienis praeferre licet, quod cum facimus nemini iniuriam inferimus, cum alteri in pari casu idem licet. *d)* Non igitur est, quod aequitatem naturalem Imperatorem hac sanctione violasse putemus, cum multi casus existere possunt, quos mortales non praecident, qui a conuentione inita recedendi licentiam praebent. Contrarium fortasse statuendum esset, quia locator, licet ius perfectum habeat, et dominium in ipsa re locata, illo iure tamen non potest iuste uti ad fidem frangendam, et pactum cum conductore initum rumpendum, quo hic usum alicuius rei sibi ad certum tempus vindicauit, potissimum cum locationem ineundo iuri suo

percipiendi vtilitates ex ipsa re locata ad definitum tempus renunciauerit, adeoque illud, quod ab initio liberae voluntatis erat, in necessitatem transeat. Imo nulla ratio adesse videtur, cur conductori damnum, quod exinde citra omnem suam culpam patitur, magis imputari debeat quam locatori, cui ius non est cum alterius detrimento se locupletiores reddere. Sed facile cum HYGONE GROTI^o e) ad haec dubia respondere possumus; in omnibus legibus summam necessitatem exceptam esse; haec enim non habet legem, sed potius Lex necessitati subiacet, quam etiam sententiam varii iuris nostri textus confirmant; f) ac praeterea necessitatibus pressus nolle praesumitur. g) Ut adeo neque dolus neque culpa subfit, nihilque bona fides labefactetur. Renunciatio vero tanto minus obesse potest, quo certius constat pacta ad non cogitata haud extendi, illudque renunciationibus, quae strictam interpretationem poscunt, maxime conuenit.

a) ITTIG. *Diff. de expuls. conduct. ant. temp.*

LYDOVICI *Diff. de expellend. conduct.*

BECHMANN *Diff. ad L. 3. Cod. de locat. Cond.*

- b) Quod hic Legislator fuerit ANTONINVS PIVS patet ex Legge sequenti 4. cum in hac lege Alexander Imperator ad Antonini Pii formam ratione effractorum horreorum se referat, quae

quae omnino tradita videtur in L. 1. eod. tit. haec prima et nostra lex Legislatorem vnum habet, inde nostrum assertum verificatur.

- e) Haec vero Callimorphonia Imperatorem consuluit, prout eiusmodi consultationum, et insequutarum subscriptionum vel annotationum memoria exstat in *L. 1. ff. de Constit. Princip. L. 1. Cod. de precib. Imperat. offerend.* Imo multa pars Iuris Codicis ex talibus rescriptis conflata est, ex quo sine dubio venit, quod plurima in Codice raro ad applicationem deduci possint. De hoc vero rescripto tanto minus dubitandum est, quod ius vniuersale constituat, cum punctum iuris dubium decidat, cuius generis rescripta iuris generalis vigorem habere docet *L. 12. Cod. de LL.* quam virtutem in regula rescriptis haud tribuimus. *L. 2. Cod. eod.*

d) BECHMAN *cit. Dissert. Thes. XV. in fin.*

e) *de Iur. B. et P. L. II. C. 2. 6.*

f) *L. 5. ff. de offic. Procons. L. 1. Cod. de oper. libert. L. 162. ff. de R. I. L. penult. ff. de LL.*

g) *L. 3. et 4. ff. de R. I.*

§. IV.

Haec de iure expellendi conductorem in genere, transeamus nunc ad requisita, quae necessario adesse debent, ubi locator hoc iure uti vult. Cum enim ex improvisa hac necessitate, quam locator adducit, <sup>Necessitas
superueniens post
contractum ini-
tium con-
tingere
debet.</sup>

ducit, conductori ingens possit oriri damnum, Leges prudenter constituerunt, vt haec necessitas non solum allegetur, sed etiam rite probetur. Requiritur itaque, vt ea ex post facto superuenerit: si enim iam antea adsuit, iuri suo renunciaſſe dicendus est, et sibi imputet, qui tempore contractus sibi non prospexit, ea enim, quae de nouo non emergunt, nouo non indigent auxilio. a) Hinc ob improuiſam necessitatem in aliis quoque casibus alicui succurritur. Ita si aliquid inopinatum emergit, iterum dilatio impertiri solet, licet secundum *orationem D. Marci* amplius quam semel instrumentorum dilatio non dabatur. b) Ita prohibuerunt Leges alienationem bonorum immobilium minorennium, ob aes alienum tamen urgente necessitate rursus permissum est. c) In honoribus deferendis omnis selectio habenda erat, ne non idonei ad magistratum admitterentur, neque immunitatem habentes grauarentur, si tamen penuria sit eorum, qui magistratum suscipiunt, immunitas ad aliquid infringitur, sicuti Diui Prates rescripserunt. d) Procurator licet iudicium accipere compellendus sit, in casu tamen necessitatis in eum denegatur actio. e) Facile et alia exempla proferre possemus, ex quibus pateſceret, necessitatem semper ex post facto superuenien-

uenientem exceptionem facere; sed sufficiant haec. Possunt autem variae res ad hanc superuenientem necessitatem referri, v. g. vxoris ac liberorum superuentia, quae iam tacite intelligi videtur, cum locatoris mutatio hic exceptionem a regula praebeat. Rigue autem semper accipienda est superueniens locatoris necessitas, cum ex contractu semel inito conductori iam ius quaesitum sit: vbi enim tempore contractae locationis iam adfuit, vel praeuideri potuit, neutiquam contractum soluit. f) Pariter locator iuri suo renunciasse censendus est, si post superuenientem necessitatem a conductore pensionem recepit. g)

a) arg. L. 11, §. 8. ff. de interrog. in iur. faciend.

ACCURS. ad hanc Legem; ANTON FABER Cod. Lib. 4. tit. 41.
def. 51. n. 3.

b) L. 7. ff. de ser.

c) L. 12. Cod. de praed. et al. reb. min.

d) L. 11. §. 2. ff. de mun. et bon.

e) L. 8. §. 3. ff. de proc.

f) BARBOSA ad L. 3. Cod. de locat. n. 15.

g) HAHN de Conduct. expellend. ant. finit. cond. Thes. LXV.

§. V.

Alterum requisitum in hoc consistit, vt locator ^{Necessitas} neces- ^{a locatore}

B

est probanda.

necessitatem superuenientem rite probet, cum enim talis expulsio non sine detrimento conductoris fieri queat, et sub praetextu superuenientis necessitatis dolus latere possit, omnino huius rei probatio locatori incumbit, cuius causa Imperator *L. c.* addit: *NISI PROPRIIS VSIBVS DOMINVS EAM NECESSARIAM ESSE PROBAVERIT.* Ceterum, quod ad ipsam necessitatis probationem attinet, non negamus eam ex circumstantiis petendam et decidendam esse, quae hoc in casu a Iudice probe ventilandae sunt, et in genere, quatenus vera sit vrgensque necessitas, arbitrio Iudicis merito relinquitur. *a)*

a) DINCKLER cit. Diff. §. XXXIII. in fin.

§. VI.

Debet esse locatoris propria.

Tertio quoque requiritur, ut necessitas locatoris propria sit, quapropter si tertius rem locatam emit, conductorem expellere nequit, etiamsi re ad proprium usum indigeat. Obstare quidem videntur *L. 25. §. 1. ff. locat. et L. 9. Cod. eod.* ad quas dissentientes prouocare solent. *a)* Re tamen paulo accuratius perspecta aequitati magis conuenire arbitramur, ut nouus emptor locationi stet; fides enim data est seruanda tam a magistratibus, quam ab ipsis contractu-

henti-

hentibus, inde licet distae leges aliud statuere permittant, et ius in re et ad rem deficiat, ex quo conductor agere possit; Iniquum tamen omnino videtur, quod venditor plus iuris in emtorem transferre possit, quam quod ipse habet. *b)* Ceterum in multis prouinciis aequitatem hanc naturalem praeualere ZOLLIVS *c)* ostendit. Nos missis iis, quae ad controuersiam pertinent, id tantum euincere studemus, ob supervenientem necessitatem contractum locationis conductionis non solui, nisi ea locatoris propria sit, quod etiam ex Lege nostra clare patet. Nemo interim negabit eam quoque ad uxorem et liberos locatoris ob summam, quae inter tales est personas, coniunctionem extendendam esse. Quoad liberos tamen merito restringitur ad illos, qui in conuictu patris sunt, quia alias necessitas locatoris propria non apparet. Eadem necessitas adest, si et parentum aut aliorum propinquorum causa vel alimenta dare, vel habitationem concedere legibus obligetur, ne ipse alias aedes mercede conducere cogatur, quod iniquissimum esset.

a) Vid. GERHARD in *Dissert. de Reg. iur. Germ.* Sauff gehet vor Mische.

b) L. 54. ff. de R. I.

c) in *Dissertat. ad L. 9. Cod. de loc. et Condu.* Rauff hebt die-
te nicht auf.

§. VII.

*Expulso
Conducto-
ris ob ne-
cessitatem
superue-
nientem
cognitio-
nem iudi-
cialem re-
quirit.*

His praemissis iam dispiciendum est: An condu-
ctor priuata auctoritate expelli possit? an vero causae
cognitio requiratur? Prius affirmant ANTONIVS
FABER, a) et GOTHOFREDVS b) statuentes, quod
simpliciter propria auctoritate conductorem expelle-
re liceat. Pro affirmatiua videntur pugnare *L. 54. §. 1,*
L. 56. ff. locat. et L. 34. ff. de damn. infect. Sed hi tex-
tus dicunt tantum ob aliquas causas expellere licere
conductorem, id quod non aliter intelligendum, ac
si fiat per iudicem, verbum enim *expellere* non si-
gnificat propriam vindictam; c) Nemo sibi ipsi
ius sine iudice dicere potest, cum hanc ob causam
ordo iudiciorum sit introductus, d) alias locator,
vti alii priuatam vindictam excercentes, dominium re-
rum suarum amittit; id quod tam in nostro Germani-
co quam Romano iure radicum inuenitur. e)

Priusquam vero ad iudicialem expulsionem pro-
greditur locator, tempestiua denunciatione de mi-
grando praecedere debet, f) excepto casu, nisi ali-
ter conuentum sit, quanquam et tunc tutius adhuc
auctoritas iudicis impleretur: *Lex 176. ff. de R. I. e-*
nim

nim expresse dicit: *Non est singulis concedendum, quod per Magistratum publice possit fieri, ne occasio sit maioris tumultus*; Quam legem ad diuersos applicandam esse contractus eius tenor abunde docet. Ex sententia huius et plurium adhuc legum itaque sequitur, quod locator conductorem propria auctoritate expellere nequeat; idemque respectu agrorum emphyteuticorum obseruari solet. g) In terris certe Brunsvico-Luneburgicis et Hildesiensibus, quod ad fundos attinet, domino priuata auctoritate villicum expellere non licet, sed praecedere debet denunciatio de migrando, quam sequitur causae cognitio et iudicis decretum. h)

a) *Lib. IV. C. 42. def. 59. in Cod.*

b) *ad L. 3. Cod. de locat. cond.*

c) *STRVV. Diff. cit. Thes. XXXIX.*

d) *L. 16. C. de iud.*

e) *L. penult. et ult. ff. ad Leg. iul. de vi priu. L. 7. C. unde vi.*

SCHILTER Exercit. ad. ff. 11. Thes. 13. et 14.

BOEHMER Diff. de poen. ius sibi dicent. Cap. 2.

IDEM Diff. de locat. Cond. Cap. 2. §. 3.

f) *VOET Comment. ad ff. tit. locat. Cond. n. 18.*

g) *L. 11. Cod. de pig. act. et praecipue L. 3. Cod. de pig. et hypoth.*

h) *Recess. Salzdtbl. §. 19. Hildesheimische policey-Ordnung. Art. 149.*

§. VIII.

*Necessitas
in certis
casibus
cessat.*

Fieri tamen potest, ut hoc in casu interdum nulla cognitione iudicis nulloque decreto opus sit. Hoc contingit, ubi conductor de necessitate improvisa, ob quam locator contractum dissolui vult, convictus est, et ita ultro cedit. Quam ob rem tunc demum iudex adeundus est, si conductor a locatore monitus, causisque ab eo iustis allatis ultro cedere recuset: a) Iudicis enim cognitio subsidiaria tantum est, in eo casu, si conductor moras necit et locatori se opponit, quod saepe fieri solet, cum homines propiores sint ad rem detinendam, quam ad eam amittendam,

a) GROENEWEG. ad L.3. de locat. conduct. n.5.

§. IX.

*An quoque
colonus ob
superve-
nientem
necessita-
tem expel-
li possit.*

Haec de praediis urbanis, de quibus *Lex cit.* clare loquitur: ob supervenientem necessitatem locatori facultatem expellendi conductorem permissam esse. Sed an huius Legis sanctio ad praedia rustica quoque applicanda sit, nondum inter se ICI conveniunt; quorum alii id affirmant, alii negant. Videntum itaque est, quid in tanto interpretum dissensu hac de causa sentiendum sit. Nolumus autem in re-
cen-

consensendis aliorum sententiis iusto longiores esse, sed argumenta quibus facultatem expellendi colonum ob superuenientem necessitatem locatori non competere contendunt, breuiter enarrare, iisque nostram subiicere sententiam animus est.

§. X.

Obiiciunt autem non nulli, non licere locatori ob superuenientem necessitatem colonum expellere, quia in praediis rusticis talis inhabitandi necessitas occurrere non possit, acin praediis *In praediis rusticis necessitatem occurrere posse ostenditur.* VRBANIS. a) Sed cum haec superueniens necessitas ex circumstantiis diiudicanda sit, omnino euenire potest, vt quis praedio rustico, quod antea locauerat, ipse indigeat, licet inhabitandi causa non semper subsit. Ita in multis Germaniae prouinciis nobilibus in casu extremae necessitatis licet, rusticorum suorum praedia sibi coemere, vt ostendit DE GOEBEL. b) Qua de causa nulli dubitamus eundem vel maiorem fauorem in casu superuenientis necessitatis locatoribus fundorum competere. Casus necessitatis determinari nequeunt, hinc eadem necessitas, quae locatorem aedium ad rescindendum contractum mouet, locatorem fundorum quoque mouere potest. Vterque respectu familiae suae re propria indi-

indigere potest; quae omnia si rite perpenduntur, clare ostendunt, quam fallax sit SICHARDI argumentatio, quam *loc. cit.* adfert. Interim non negamus hoc in casu quoque requiri, vt locator necessitatem prouet, adeo vt nequidem iuramento locatoris standum sit, quia periculosum est iudicem quem admittere in sua causa, c) idque multo magis, cum conductor fundorum maius damnum sentire possit, vbi ob locatoris euenientem necessitatem expellitur, quam is, qui aedes conduxerat.

a) SICHARD *ad L. 3. Cod. de locat. Cond. n. 6.*

MOLIN. *Disp. 489. n. 6.*

HAHN AD WESENBECH.

STRVV. LAVTERBACH et plures.

b) *De singular. quiburd. praed. rust.*

c) *L. 17. ff. de iud.*

§. XI.

*Legem 3.
Cod. de lo-
cat. cond.
neuti-
quam pri-
uilegium
continere
asseritur.*

Multi ideo ob superuenientem necessitatem colonum fundi expelli non posse statuunt, quod facultas expellendi aedium conductorem ad colonos fundorum non extendenda sit, cum descendat ex Lege positiua, et quod priuilegio munita, imo odiosa et reuera contra naturam contractus in se considerati sit. a) Concedimus facultatem expellendi odiosam esse et reuera

reuera contra naturam contractus; cum contrahentes fidem sibi inuicem seruare et promissis stare debeant: sed omnibus istis contractibus, in quibus alteri vsum rei nostrae concedimus, semper tacita inest conditio, nisi quis ipse re sua vtatur. Casus itaque superuenientis necessitatis excepti sunt, neque necessitate iustitia violatur, cum ita suum cuique tribuendum sit, ne ab alterius iustiori petitione distrahatur. b) Hinc etiam quilibet sibi met ipsi maxime est proximus, et diligere tenetur suum conciuem non supra, sed iuxta se ipsum. Iura quoque praesumunt, locatorem tempore initi contractus principaliter conduttori rei suae concessione in tantum inferuire voluisse, vt ipse defensione sua naturali per hanc non priuetur. Ratio enim decidendi, quae potissimum attendi meretur, c) in eo consistit, quod res proprias domini potius quam extranei necessitatibus seruire par sit. Praeterea verba legis nullatenus ostendunt in ea sermonem de priuilegio esse, quod prohiberet, ne lex ad fundos extendatur. Casus nimirum oblatus fuit Imperatori, eiusque decisio petebatur: Imperator cum ex iure iam introducto decidit; neutiquam vero nouum et singulare ius constituit. Omnes enim alias causas in dicta Lege *Imperator* recensuit, ob

C

quas

quas facultas expellendi conductorem locatori antea iam iure petmissa fuit. Mentionem facit correctionis aedium necessariae, de qua loquitur *L. 35. ff. locat. cond.* Aut si conductor re male usus sit, de quo Casu ait *§. 1. I. de locat. Cond.* Aut si pateat per biennium in solidum non esse solutas pensiones, Vid. *l. 54. §. 1. ff. locat. cond.* Quia vero de casu necessitatis superuenientis nulla Lex specialis existit, reliquis hanc addidit, neutiquam tamen singulare ius vel privilegium continetur, sed pro generali habenda est constitutio, quae ad locationes conductiones in genere applicanda venit, potissimum cum tota ratio iam in iuris naturae generalibus principiis fundetur.

a) ANTON. GOMETZ *resol. tom. 2. Cap. 3. n. 6.*

STRVV. *Decis. Sabbathin. Cap. 9. Decis. 15. ubi PRAEL*

b) *L. 31. §. 1. ff. depos.*

c) *L. 17. ff. de LL. arg. L. 6. Cod. de seru. et aqu.*

LVD. MENCKEN *Controu. 7. locator. fund. ob prop. vs. necess.*

§. XII.

*Hae Lex
ob parita-
tem ratio-
nis inter
inquili-
num et*

Tota huius litis decisio ab interpretatione *L. 3. Cod. de loc. cond.* pendet, verum quidem est legem tantum loqui de inquilino. Inter inquilinum autem et colonum maxima adest similitudo. Pleraque enim iura quae

quae inquilino competunt, etiam colono leges tribuunt. Conuenientia adest: ratione mercedis, quae in pecunia consistit; et ratione praediorum vrbano-^{Colonum ad praedia rustica recte applicatur.} rum pensio, ratione rusticorum merces dicitur. a) Obligationes coloni et inquilini parum vel nihil discrepant. Imo nonnunquam inquilinus et colonus pro vno eodemque sumuntur; vt apparet ex *lege infra citata*, b) vbi MARTIANVS id legatum inutile declarat, si quis inquilinos sine praediis, quibus adhaerent, legauerit; quod alii iuris nostri textus quoque confirmant. c) Sed et ipsa necessitas, et iuris naturae principium: quod ordinata caritas incipiat a semetipso, etiam in praediis aliis, praeter aedes, saepe obuenire possunt. Quod ex his exemplis demonstrabimus. Locator, qui duo praedia habet, alterum locat ad certum tempus; aes alienum non dolose contraxit, et ob infortunia soluere nequit; immittuntur creditores in hoc praedium, quod ipse possidet et colit. Indiget ergo altero praedio, quod locauit, et omnino propriis vsum necessarium est. Porro, duorum agrorum dominus est, et quia nec vxorem nec familiam habet, prouentus vnus agri ipsi ad viuendum sufficiunt, alterum itaque locat. Postea vxori nubit, familia crescit, vnus agri redditus non satis sunt ad alimenta omnium.

mnium. Adest certe eadem necessitas, nec videmus differentiam. Paeterea in re dubia benigniorem sequi interpretationem non minus iustum est quam tutum. d) His igitur argumentis moti ad hanc sententiam defendendam non fore necessarium arbitramur, ut aliis utamur, cum satis constat, in fauorem etiam coloni huius legis interpretationem faciendam esse. Sed qui plura de hac nostra sententia cupit, adcat L. MENCKEN e) et BECHMAN. f)

a) L. 27. §. 1. ff. de haered. pet.

b) L. 112. pr. ff. de legat. I.

c) L. 6. Cod. de agricul. censu. et colon.

d) L. 3. ff. de his qui in testam. del.

e) Controu. 7. locat. fund. ob prop. vs. necess. conduct. expell. pot.

f) Diss. ad L. 3. Cod. de locat. conduct. Thes. XXIII.

§. XIII.

Rescriptum Imperatoris ad singularem casum editum admittit interpretationem exten-

Ad sententiam nostram corroborandam quam maxime quoque iuuat LEGEM 3. Cod. de locat. cond. esse rescriptam ad singularem casum editum: Non igitur verba legis de aedibus solummodo loquuntur, sed ad fundos quoque applicanda sunt. Imperatori enim in specie quaestio de aedibus, a conductore ob superuenientem necessitatem locatori restituendis, propon-

ponebatur, adeoque responsum Imperatoris ad hunc quoque casum dirigendum erat. Ex hoc autem minime fuit, quod rusticorum praediorum quoque mentio facienda fuisset, si secundum nostram sententiam dicta LEX ad ea applicanda esset, quia Imperator ex iure iam introducto, vel ex aequitate naturali casum a foemina quadam (§. III. *lit. c.*) oblatum diiudicauit. Quare cum nullibi legem contrariam inueniamus, ex qua intelligi possit, citatam LEGEM ad rustica praedia male applicari, eo magis nostra obtinebit sententia, ob superuenientem necessitatem colorum quoque expelli posse. Quamuis enim contra haec, quae protulimus, opponi posset, rescriptum Imperatoris ad certam facti speciem esse directum, et ex talibus rescriptis argumentum non semper admitti; obseruanda tamen est iuris regula: ubi eadem ratio, ibi eadem adest legis dispositio, rationis paritatem supra ostendimus, hinc nulli dubitamus, quin etiam interpretatio extensiuā locum hic habeat. Quoties enim lege aliquid vnum vel alterum introductum, cetera, quae ad eandem vtilitatem tendunt, interpretatione suppleri debent. *a)* Accedit, quod etiam rescripta punctum iuris dubia decidentia ius generale faciant. *b)* Hac itaque interpretatione extensiuā adhi-

bita satis apparet legem, quam illustrauimus, locatori fundorum eandem in colonum facultatem ac iura permittere, quae in conductorem aedium locatori competunt: Neque disparitas rationis, vt supra ostendimus, hic obstat, quam SCHILTERVS c) et cum eo STRYKIVS d) adesse putarunt: Imo ipse SCHILTERVS e) ad cuius auctoritatem dissentientes prouocare solent, non diffitetur legem nostram ad praedia rustica quoque applicari posse, sed hoc tantum vrget, vt necessitas probetur, et causae cognitio praecedat.

a) L. 13. ff. de LL.

b) L. 12. ff. eod.

c) Exercit. XXX. §. 20.

d) Vj. Mod. tit. locat. cond. §. 35.

e) loc. cit.

§. XIV.

*Lex. §.
eod. de lo-
cat. cond.
ad bona
emphyteu-
tica non
est appli-
canda.*

Huius Legis interpretatio non vterius vero extendenda, scilicet ad emphyteutam tanquam dominium utilem, cum locatio in tempus longissimum, imo in perpetuum, et emphyteusis inter se quam maxime differant. a) In emphyteutam enim dominium utile, sed non in colonum dominium bonorum locatorum transit, quia hoc genere contractus agitur tantum de translatione vsus, non vero dominii, b) licet quoque loca-

locatio ad longum tempus sit facta. c) Alias multa confectaria ratione bonorum emphyteuticorum inferrentur, quae naturae emphyteuseos non conueniunt.

a) RECHMAN cit. diff. Tkef. XXIII. in fin. ibique alleg.

b) L. 39. ff. locat.

c) HAHN. ad Wesemb. tit. locat. n. 8.

§. XV.

Tandem restat, vt paucis inquiramus, quid ^{Germanis} patria iura de locationibus conductionibus ^{locationes} dispo- ^{conductio-} fuerint. Ignorarunt prisca germaniae populi di- ^{nes olim} uersas contractuum species, permutatio tantum ^{incogni-} in usu erat. Ita TACITVS a) rem enarrat, ubi ^{tuae fue-} dicit: *proximi ob usum commerciorum aurum et argentum in pretio habent, formasque quasdam nostrae pecuniae agnoscunt, atque eligunt: interiores simplicius et antiquius permutatione mercium utuntur.* In- cognita enim erant genti, quae priscam colebat vi- uendi simplicitatem, rerum dominia, et agri pro nu- mero cultorum ab vniuersis per vices occupabantur, quos mox inter se secundum dignationem partieban- tur, aruaque per annos mutabant. b) Ceterum videre licet ex IVLIO CAESARE, c) in Germania antiquissi- mo tempore ibi fuisse dumenta vastissimae solitudinis; ibi

vbi recentiori acuo viridissima prata existunt. Ex his omnibus iam intelligere licet, non cogitasse maiores nostros de rebus suis locandis, multo minus apud eos leges agrarias, et quae ad locationes conductiones attingunt, latas fuisse; cum potius moribus, quam legibus, viuerent. Posterioribus vero temporibus, et quidem adhuc ante receptionem Iuris Romani locationes et conductiones fuisse receptas, demonstrant HEINEC. d) et LEYSER. e)

a) de Morib. Germ. C. 5. §. 6.

b) IDEM loc. cit. C. 6.

c) de B. G. C. 22.

d) in Syn. ant. Rom. L. 3. C. 23. §. 8. seq.

e) in Iur. Georg. L. 1. C. 1.

§. XVI.

Recepto
iure ro-
mano le-
ges roma-
nae ad lo-
cat. cond.
applica-
tae sunt.
Ius l. 3.
in terris
Brunsvi-
co-Luneh.

Progressu temporis, vt aliae conuentiones, locatio conductionis in germania recepta fuit, ita tamen, vt pene pro iisdem habuerint locationes rerum, et commodatum, adeo vt in utroque contractu eodem vocabulo **Leihen** vsi sint: Sic in Speculo Saenico legitur: **Leihet ein Man dem anderen ein Pferd umb Lohn. a)** Quod vero ea attinet, quae circa locationes conductiones locum habent, partim mores, partim insequen-
tibus

ribus temporibus ea, quae ex iure romano deducta sunt, vario usu obtinuerunt, varia vero per leges provinciales et locorum statuta addita sunt. In eo autem inter se conueniunt, vt locator ad rem, cuius usum locauit, praestandam obstringatur, nec conductorem ante determinatum tempus expellere possit. Admittunt tamen exceptiones, ita vt quoque ob superuenientem necessitatem locatori conductorem expellendi licentia permessa sit. *b)* Ex his itaque regulam formamus: licere locatori colonum secundum iura germaniae expellere ob superuenientem necessitatem, nisi lex provincialis vel statutum loci id prohibeat, quod ubi deficit, ad ius romanum recurrendum est, quod domino libertatem, vt ostendimus, recedendi a contractu permittit, si urgente necessitate prematur. Tribuit hanc facultatem in Ducatu Calenbergico et Guelferbyitano Recessus Salzthal. de Anno 1597. §. 19. vbi verb. sonderen sie sind auch solcher Abmeyrungen sonsten vermöge der gemeinen beschriebenen Rechten in diesen Fall/ wan nemlich sie die Guts-Herrn die Gähler zu ihrer eigener Nothurfft zu gebrauchen vorhabens. ic. berechtiget. et Gandersh. §. 24. his verbis: Wenn jemand/ es sey was Standes er wolle/ das Gut gegen weßtere Leistung der davon zu jederzeitig

D

gegan

gegangenen schuldigen Pflicht zu seinen selbst eigenem
 Behueff gebrauchen will: Sed eam iterum restrinxit
 constitutio D. ANTONII VLRICI de 15. Aug. 1717.
 quae haec sanxit: Ob wir nun zwarh bey denjenigen/
 was in gedachten Landtags Abschieden de Anno 1597.
 und 1601. disponiret/ es betwenden lassen/ undt nicht
 gemeinet sehn/ in den darin angeführten/ undt auf
 die gemeine rechten sich referirende fälle jemanden der
 Gutsheerrn zu verwehren/ daß er seine Meyergüther
 selbst annehmen möge: gleichwie doch auch solche ge-
 meine Rechte solches anderer gestaldt/ als in casu ne-
 cessitatis et propriae indigentiae nicht permittiren/
 undt da einer etwahn sonst mehrere commodität oder
 Nutzen bey Einziehung solcher Güter finden solte/ wie-
 der die intention vorangezogener Landtags Abschiede/
 und zu mehreren Nachtheile wegen dadurch verursa-
 chenden Abgangs der Unterthanen/ und cessirendem
 Landfolge solches keinesweges zu extendiren/ also ha-
 ben wir der Nothdurfft ermessen/ vorerwehnte dispo-
 sition der Landtage Abschiede dahin zu declariren/ daß
 keinem Gutsheerrn solche Meyergüter in anderen als
 vorerwehnten Fall/ da er deren zu seinen oder der sei-
 nigen ohnumbgänglichen Nothdurfft selbst bedürfftig
 einzuziehen/ seinen sonst habenden Adelichen oder an-
 deren

deren Gühteren beynulegen/ oder sie dergestalt für sich zu cultiuiren gestattet/ sondern ein jeder seine Meyer- gühter/ die er selbst zu gebrauchen nicht necessitiret wird/ mit besonderen colonis zu besetzen/ undt durch dieselbe so wohl die schuldige Landfolge leissen/ auch die onera publica abtragen/ und was sich bey der Gemeinde nach dem sogenannten Nachbahr Rechte gebühret/ verrichten zu lassen schuldig seyn sollte. Dum igitur Recessus Gandersheimensis per verba: zu seiner selbst eigenen Behueff domino ius tribuit, vt locator etiam citra casum necessitatis colonum expellere poterit, noua haec constitutio hoc ius ad casum necessitatis restrinxit. c)

a) C. 246.

b) ENGAV In Element. iur. German. L. III. tit. XI. Sect. I.

c) STRUBEN de Iur. Vill. C. VIII. §. 18.

§. XVII.

Quae cum ita se habeant, colonis nihil magis ^{Cautela} suadendum est, quam vt sibi prospiciant. Cuius cau- ^{pro condu-} sa prudenti colono cautela commendanda est ad ex- ^{ctore, et} cludendum hoc locatoris ius, quae in eo consistit, vt ^{hic stude-} initio contractus cum locatore paciscatur, quod non ^{at, vt Lo-} velit colonum expellere ob superuenientem necessita- ^{cator L.} ^{3. nostrae} ^{speciali-} ^{ter renun-} ^{ciat.}

tem, eoque studeat ut locator dictae LEGI 3. *Cod. de de locat. cond.* specialiter renunciaret, quod ubi obseruatur, merito omnes corruunt exceptiones, quae a locatore ad contractum disrumpendum colono obmoueri possunt; maxime cum, si per pactum fiat renunciatio, eo validior est, nec aequae facile illi contrauenire permissum. a)

a) MASCARD. *de prob. Vol. 1. Concl. 346. n. 12.*

§. XVIII.

*Omissa
speciali,
locator
generalis
renunciatio-
ne quo-
que securius
est.*

Casu vero ubi locatori non specialiter, sed generaliter omnibus exceptionibus, quae vnquam excogitari potuissent, renunciasset; nihilominus haec renunciatio generalis valida est. Licet enim renunciatio nem specialem securiorem quam generalem esse a nonnullis Ictis defenditur; cum generalis renunciatio non haberet vigorem nisi praecederet specialis. Attamen in iure hoc nullibi inuenitur; a) sed potius ius gentium, et Diuinum attendendum, quod in foro sequimur, hoc enim tale est, quod iubet simplicem, et seriam promissionem seruare; multo magis et profecto pacta generalia seruanda sunt. Haec enim regula (quod scilicet pacta generaliter sint seruanda) perpetuae obseruantiae est, donec effectus

Etus eius impediatur a ratione praegnantiori. Hinc contra rationem fieret, si pacta seruanda non seruarentur. Haec de iure expellendi colonum ob superuenientem necessitatem nobis dixisse sufficiant.

a) GROENEWEG. ad L. 4. §. 4. ff. si quis cant. in iud.

COROLLARIA

I. Puella, quae scienter vxoratum ad stuprum admisit, dotem petere nequit, dolo enim hoc adulterium commisit, unde magis punienda est, quam vlla dote donanda. a)

a) Cap. 1. et 5. X. de eo qui dux. in matr. quam poll. per adult.

II. Vitiatam sciens, qui stuprat, cum ducere eam recuset, dotare tenetur. a)

a) Arg. L. 13. §. 10. ff. ad Leg. Iul. de adult.

III. Producens potest testes a se productos, quo ad eorum dicta omnia vel quoad partem, non vero quo ad personas semel productione approbatas reprobare. a)

a) L. 17. Cod. de test.



PRAENOBILISSIMO DOMINO
CANDIDATO

IGNATIO HIERONYMO
VARNESEO

S. D.

P R A E S E S



*lim cognovi TVAM VIR CLARISSIME
indefessam industriam, qua meis lectioni-
bus interfuisti. Ampla de TE concepta
expectatio me ad TVI amorem duxit, cu-
ius me nunquam poenituit, posteaquam varias inter
collocutiones eximiam in Iurisprudencia docilitatem
mibi probasti. Alman nostram, cursu Iurispruden-
tia felicitè absoluto, dereliquisti. Gratulabar TIBI,
abitum paranti, summos in Iure honores, quos mere-
baris. Quod TIBI eos decreturus essem, non cogitaui
qui-*

quidem; optavi tamen. Helmstadium redux factus,
me adiisti, non ut amicum tantum, sed et nostri Ordi-
nis Decanum. Petiisti a me, ut Doctoris gradus TI-
BI conferatur, et ut nos postulat, scis enim longam
et inueteratam consuetudinem pro Lege, in Academis
maxime, custodiri, toti Ordini nostro desiderium TV-
VM declarasti. Admissus itaque ad utrumque exa-
men, studiorum TVORVM rationes redditurus, ex-
pleuisti spem et integre quidem, quae me in TVI di-
lectionem traxerat. Supererat publicum specimen,
quod nunc edis. Non fucatum TE esse Auctorem hu-
ius dissertationis publice profiteor; et licet in quibus-
dam partibus discessionem faciam, nolui tamen quic-
quam immutare. Sufficiebat mihi controuersum esse,
atque defendi posse. TECUM litis consortionem inire
delectabat. Gratulor ergo TIBI, VIR ORNATIS-
SIME, de summis in Iure honoribus, quos magna
cum animi laetitia, dignitate TVORVM meritorum
excitata, TIBI statuum. Res TVAS feliciter age.
Perfecta erit prosperitas, si industriae, doctrinae, vo-
tisque meis respondebit. Vale, et me amare perge.

Dab. Helmstadii d. XII. Iun. A. R. S.

PRAENOBILISSIMO CANDIDATO
IGNAT. HIERONYM. VARNESEO

S. P. D.

CHRISTOPH. ISENBART D.

FAC. IUR. ASS. ET CIVITAT. HELMSTAD. CONSUL



*I*am trium annorum spatium effluxit, et quod excurrit, VIR PRAENOBILISSIME, ex quo mihi primum innotuisti, atque amicitiam TVAM, multis nominibus mihi carissimam, in me conferre coepisti. Non solum TE amicum ab eo tempore expertus sum suavisimum, verum etiam docta TVA conamina, insignisque progressus in excolenda Iurisprudentia animaduerti. Ardori TVO laudabili, ultra doctum illud vulgus sapiendi, omnino dandum est, ut finito iam studiorum academicorum curriculo, denuo ad musas nostras redires, idem indefessus Iurium Cultor, idem felici illo ac raro, ut vocant iudicio practico polens, quod adeo magni momenti est in rebus agendis, idem amicus. Testem me esse volui solertiae TVAE in addiscenda legum scientia, quum quotidie amicus et auditor exercitator me conuenires. Nunquam ego recorder illius temporis, quin laudes TVAS, virtutem Tuarum comites, laetissima mente recolam. In eo nunc es, ut diligentiae TVAE praemia collecturus gradu Doctoris TE insigniri velis. Occasio non defuit TVAS in Iurisprudentia dotes, TVAMQUE in eius applicatione dexteritatem praeclarius nobis probandi, cuius quidem explorationis me testem fuisse, magnopere laetor. Gratulor TIBI VIR PRAENOBILISSIME, gratulor omnibus, qui in posterum a consiliis TVIS pendebunt, quibusque aliquando index eris vere Iure Consultus. Faxit supremum Numen, ut omnia TIBI in posterum ex voto cadant, ut secundo eoque longo vitae decursu gaudeas. Vale, VIR PRAENOBILISSIME, et, ut facis, me amare perge. Dab. in Academia Iulia Carolina d. XII. Iun. MDCCLL.

D! Freund, dem hent der Lorbeer grünet,
Den nur ein strenger Fleiß verdientet,
Der keine Mühe schent, und immer weiter geht;
Glück! zu der längst verdienten Ehre,
Dein rühmlich Beispiel dient zur Lehre,
Wie sehr die Wissenschaft den, der sie liebt, erhöht.

Den Ort, wo nach gelehrtem streiten,
D! Freund, zu unsrer Väter Zeiten,
Dein Vater Theilts Preis nicht sonder Ruhm erreicht;
Auf jene Ehrenvolle Stufen,
Wirfst Du nunmehr von ihr gerufen,
D! Beispiel welchem kaum von tausenden eins gleicht.

Es müsse Dir der Vorsicht Fügen,
Getrene Wünsche zu Vergnügen,
Wie Du es würdig bist, manch holdes Glück verleihn;
Sie wills. Es soll durch Dein Bemühen,
Gerechtigkeit und Eintracht blühen,
Und Du dem Vaterland noch spähte nützlich sehn.

Hiermit wollte dem Hochgelahrten Herrn
DOCTORANDEN, seinen aufrich-
tigen Glückwunsch abstatton

Johann Friederich Eisenhart!
I. V. D. et Facult. Iurid. Adi.

Wer schätzt Gelehrsamkeit nach Werth,
Als der die Wissenschaften ehrt?
Belohnt den regen Fleiß der Jugend
Nicht die mit ihm verbundene Tugend?
Gelehrter Freund! du wähltest sie.
Für Fleiß und überstandne Müß
Krönt Dich dein günstiges Geschick.
Blüh ferner, wachse stets am Glücke.

Hiedurch suchte ich den Hochgelehrtesten Herrn

Iam meritis, quis non inuita et anara Minerua
Praesidet, ipsa Themis laurea ferta dabit.
Plaudunt Castalides TIBI praeemia digna parando,
Atque meos plausus quis retinere potest?
I bone, quo TVA TE Virtus vocat, i pede fausto,
Ex votoque TIBI prospera fata fluant.

*Hicce Praenobilissimo ac Consultissimo Domino
VARNESE de Themidis sacerdotio
congratulatur*

PAVLVS AVGVSTVS Schrader
Brunouicenf. Iuris Cand.

Freund, dessen Fleiß in diesem Werke
Des großen Geistes edle Stärke,
Und seine Kraft in denken zeigt.
Da den Mithra zärtlich liebet
Und des verdienst Belohnung giebt,
Freund, lebe wohl, bleib mir geneigt.

Durch diese wenige Zeilen, wolte dem HochEdelgeb.
und Hochgelahrten Herrn Verfasser und Verthei-
diger gegenwärtigen Abhandlung zu der erlangten
Doctor Würde aufrichtig Glückwünschen

Desselben

ergebener Diener und Freund

N. C. H. Bartels/ aus den Hammöv.
B. N. B. Opp.



A411475272

